

SULIT

**PEPERIKSAAN PERCUBAAN
SIJIL PELAJARAN MALAYSIA 2022**

BAHASA MELAYU

1103/1

Kertas 1

2 jam

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi **dua** bahagian : **Bahagian A** dan **Bahagian B**.*
2. *Jawapan hendaklah ditulis di dalam buku jawapan yang disediakan.*
3. *Jawapan boleh ditulis dalam tulisan Rumi atau Jawi.*
4. **Buku jawapan** *hendaklah diserahkan kepada pengawas peperiksaan pada akhir peperiksaan.*

Kertas peperiksaan ini mengandungi 4 halaman bercetak termasuk muka hadapan.

[Lihat halaman sebelah

Bahagian A

[30 markah]

Soalan ini **mesti** dijawab.

Maklumat di bawah menunjukkan sebahagian daripada isu pencemaran plastik.

Huraikan pendapat anda tentang **isu pencemaran plastik**.Panjangnya huraian hendaklah **antara 150 hingga 200 patah perkataan**.

Sinar Harian

PLASTIK ANCAMAN SERIUS KEPADA ALAM SEKITAR

300 JUTA tan sisa pepejal setiap tahun

13.2% daripadanya adalah sisa plastik. Daripada jumlah ini **1,050 TAN** beg plastik dihasilkan alam sehari.

Kajian Komposisi Sisa Pepejal yang telah dilaksanakan oleh KPKT, sisa plastik menyumbang sebanyak **13.2%** daripada keseluruhan penjanaan sisa di Malaysia pada tahun 2017 dan daripada jumlah sisa plastik tersebut, **29.2%** adalah terdiri daripada jenis **Low Density Polyethylene (LDPE)** iaitu komponen utama bagi pembuatan beg plastik.

Plastik mengambil masa 100-500 tahun untuk lupus secara semulajadi

Ini menyebabkan plastik sering dianggap sebagai makanan oleh haiwan ternakan dan ikan.

Sekiranya dibuang merata-rata ia berpotensi halang aliran air terutamanya di dalam longkang dan menyebabkan banjir kilat berlaku

Sumber: Kementerian Perumahan dan Kerajaan Tempatan (KPKT)

KEMPEN HENTIKAN PENCEMARAN PLASTIK

INSTITUT PENYELIDIKAN PENGURUSAN MALAYSIA (FRIM)

Kesan kepada Alam Sekitar

- 100,000 kehidupan marin mati terperangkap dengan sisa plastik
- Hanya 9% sisa plastik dikitar semula pada tahun 2012
- Lebih 250 spesies hidupan marin terancam dengan pencemaran plastik
- Sekurang-kurangnya 1 juta beg plastik digunakan setiap minit iaitu 150 beg plastik setahun bagi setiap individu
- Secara purata, 500 cawan plastik digunakan di pejabat setiap tahun

[Lihat halaman sebelah

Bahagian B

[70 markah]

Bahagian ini mengandungi **empat** soalan. Jawab **satu** soalan.

Tulis sebuah karangan yang panjangnya **antara 350 hingga 500 patah perkataan**.

Soalan 1

“Sepanjang tahun, pelancong ke negara ini dapat menyaksikan keunikan dan keindahan ekopelancongan seperti hutan hujan, gunung-ganang, pulau dan pantai. Pelancong juga berpeluang untuk melihat dan mengalami secara interaktif keunikan pelbagai seni, budaya dan warisan negara. Malaysia juga bakal menjadi tuan rumah kepada Persidangan Ekonomi Asia Pasifik (APEC) 2020, Kuala Lumpur Kota Buku Dunia 2020 (KLWBC 2020) dan 100 acara membabitkan negeri di seluruh negara sempena Tahun Melawat Malaysia 2020”

Sumber: Dipetik daripada ucapan
Datuk Mohammaddin Ketapi
Berita Harian Online. 6 Januari 2020

Berdasarkan kandungan ucapan di atas, aktiviti pelancongan dapat mempengaruhi masyarakat dan negara.

Bincangkan.

Soalan 2

Hubungan kejiiran yang mesra menghasilkan tahap kepercayaan sesama mereka yang lebih tinggi berbanding kejiiran yang kurang mesra. Hal ini jelas menunjukkan hubungan kejiiran adalah penting dalam membentuk perpaduan. Hubungan kejiiran yang baik ini boleh dizahirkan menerusi sumbangan penduduk melalui aktiviti yang dijalankan secara bersama-sama seperti aktiviti bergotong-royong dan sebagainya. Oleh itu, hubungan kejiiran yang baik adalah amat mustahak bagi membolehkan penghuninya menjalani kehidupan yang baik dan sempurna.

Sumber: Dipetik dan diubahsuai
daripada Jurnal Hubungan Kejiiran

Petikan di atas menjelaskan semangat hidup berjiran perlu dititikberatkan dalam kehidupan seharian kerana jika dibiarkan akan menjejaskan perpaduan negara.

Pada pendapat anda, apakah usaha-usaha yang perlu dilakukan untuk mengeratkan hubungan kejiiran?

[Lihat halaman sebelah

Soalan 3

Pengetahuan mengenai sejarah negara penting sebagai tunjang kepada pembentukan bangsa. Cerdik pandai sering berkaya bahawa sejarah ialah guru terbaik untuk mendidik manusia menjadikan sesuatu yang lalu sebagai teladan dan sempadan. Sejarah ialah kebijaksanaan silam yang boleh dimanfaatkan untuk membina masa hadapan. Oleh itu, mengenali sejarah negara memberikan impak besar, khususnya kepada generasi muda.

Sumber: Dipetik daripada

Berita Harian Online, 17 September 2015

Petikan di atas menyatakan bahawa pengetahuan sejarah amat penting dalam kehidupan seseorang.

Sempena Bulan Kemerdekaan peringkat sekolah, anda selaku pengerusi Persatuan Sejarah telah diminta untuk menyampaikan ceramah dalam perhimpunan sekolah. Tajuk ceramah anda ialah "Faedah-faedah Mempelajari Sejarah".

Soalan 4

Pelaksanaan Perintah Kawalan Pergerakan (PKP) bagi mengawal penularan wabak COVID-19 menyaksikan peralihan trend pengguna yang mendorong perniagaan untuk meneroka strategi baharu untuk berinteraksi dengan pengguna dan memudahkan proses urus niaga. Menurut Pengarah Urusan Serantau Shopee, Lan Ho. Perkara itu bukan hanya menyebabkan penerapan e-dagang yang kuat dalam kalangan perusahaan kecil dan sederhana (PKS) tempatan, malah mewujudkan segmen pasaran baharu untuk industri berkenaan.

Sumber : Dipetik daripada

Berita Harian Online, 17 Mei 2020

Petikan berita tersebut menerangkan pasaran e-dagang yang semakin mendapat tempat dalam kalangan masyarakat kini.

Jelaskan kelebihan-kelebihan menggunakan sistem perdagangan elektronik kepada pengguna dan peniaga.

KERTAS PEPERIKSAAN TAMAT